

DP 536
.1
.F73
1850





Class _____


Book _____

GPO



INSCRIPTIONES
REGVM LVSITANORVM.

M DCCCL.

Egregio . Viro
Philippo . Benvenutio
Cubiculario . Praeceptorio
J. W. Pii. **IX** . P. O. M.
Auctor . Infantis Aeternae
Offert




Frascarelli, Caietano

INSCRIPTIONES REGVM. LVSITANORVM


A. PRESBYTERO. CAIETANO. FRASCARELLIO

NATIONE. ITALO. DOMO. ASCVLO. PICENTIVM

A. SECRETIS. LEGATIONIS. APOSTOLICAE

APVD. REGINAM. FIDELISSIMAM

EXARATAE.



VLSSIPONE

EX OFFICINA TYPOGRAPHICA NATIONALI.

A. MDCCCL.

DP536

1

F73

1850

366968
28

93-177575

8829 7-14-93

LVSITANIS

EX OMNI ORDINE

CAIETANVS. FRASCARELLIVS

PRESBYTER.

*P*ergratum mihi fuit duorum circiter annorum curriculo diu noctuque versare manu, sedulaque diligentia legere *Regum Vestrorum Historiam*: vobisque fateor, tam perinlustria facta me tenuisse admiratione plenum, quod ipsa maxima ex parte sint adiuvata, et aucta animi fortitudine, scientiarumque, ac literarum copia, armorumque peritia virorum aut progenie, sive omnigenis virtutibus nobilissimorum, qui nomen lusitanum undique fecerunt venerandum. Miratus igitur tantae magnitudinis Principum Vestrorum, et oblitus, quando veritas sine turpi labe dici poterat, illorum defectuum, quibus maius, aut minus humana Natura miserrime implicata est; vel illos omittens, qui ex temporum difficultate Moderatorum pene universorum saepius famam minuere visi sunt, lubenter optavi honoris, et reverentiae causa historicas eorum Inscriptiones exarare, ut laudationes debitas praeclaras virtutes obtineant.

Non ambitus, non turpis lucri cupiditas, neque dissentionis spiritus me italum historiam vitae magistram, lucemque veritatis Ipsorum in gestis egregiis juste sequutum id facere impellit: at amor, utique amor officiosus, et ingenua devotio erga honorem, et gloriam Patriae Vestrae usque adhuc adeptam mihi dedit sollicitudinem dulcissimam haec titula scribere, quae gratiam vestram humillime petunt.

Desiderio tantum meo obsequentissimo easdem obferre, atque dedicare volui *Ferdinando II. Regi benignissimo, Ma-*

rito *Reginae Vestrae Mariae II.* quam *Deus* dator bonorum omnium, *Regumque* praesidium, ac tutela diu sospitet, diuque felicitet.

Non immerito elata, Lusitani, fronte nunc magna gestate laetitia jugiter cogitantes maiestatem Nominis Nationis Vestrae magnificentiae Europae esse perdignam, vosque immo reddit inter populos multos orbis terrarum praestantes.

Hymnos quidem dicite Patriæ, quam inclyti Reges omni ævo exaltarunt, magnoque splendore cumulavere: at non procul ex animo pellite vos quoque teneri fidei, constantiae, prudentiae, virtutumque omnium summis operibus, nec non amplis doctrinarum exemplis, uti cives optimos decet, ipsius gloriam augere in prosperis, in adversis propugnare.

VLISSIPONE

PRIDIE KALENDAS FEBRVARIJ

A. MDCCCL.

REGES
QVI
SACRIS. IN. LITTERIS
ORBIS. TERRARVM. NVMINA
VOCANTVR
NVNQVAM. ERVNT. TAM. MAGNI
NISI. CVM. REGALIS. EORVM. SOLIL. SPLENDORI
SAPIENTIAM. VIRTVTEMQVE
COMITENTVR
EX. QVIBVS. VERA
POPVLORVM. BEATITAS
ORITVR

* * *





NOMINI. ATQVE. VIRTVTIBVS

FERDINANDI. AVGVSTI. FRANCISCI. ANTONII

PERVETVSTAE. GLORIOSAEQVE. SAXONICAE. DOMVS

PRINCIPIS. NOBILISSIMI.

DIE. AVSPICATO. VIII. APRIL. ANN. CHRISTI. NATALIS

M. DCCC. XXX. VI.

LAETITIA. ET. MAGNA. GRATVLATIONE

MARIAE. II. PORTVGALLIAE. ET ALGARBIORVM. REGINAE

CONIVGALIBVS. VINCVLIS. ADSTRICIT.

ET. OBTESTO. REGIAE. DIGNITATIS. HEREDE

XV. KALENDAS. OCTOBRIS. M. DCCC. XXX. VII.

SOLEMNIBVS. IN. COMITIIS. VLYSSIPONENSIBVS. REGIS. TITVLO. SALVTATI.

PRVDENTIA. CONSILIO. MORIBVS. SVAVISSIMIS. FIDE. ERGA. DEVM

SINGVLARI. IN. CIVES. VNIVERSOS. BENIGNITATE

OMNIBVS. ET. VBIQVE. PERACCEPTI.

PARENTIS. INCOMPARABILIS. EGREGIORVM. LIBERORVM

IN. QVIBVS. RELIGIONI. ET. INCLITAE. PATRIAE

SPES. IAM. DVLCISSIMA. MAXIMAQVE. FVLGET.

BONARVM. ARTIVM. ET. HVMANIORVM. LITTERARVM

AMATORIS. PRAESTANTISQVE. PATRONI.

INGENIO. ET. MVLTARVM. LINGVARVM. COGNITIONE

NON. VNO. SERMONE. COMMENDANDI.

BONI. PVBLICI. PACIS. CONCORDIAEQVE. ADSERTORIS.

QVI. IN. REBVS. ADVERSIS. ANIMI. FORTITVDINE

MOGNOPERE. ET. IN. EXEMPLVM. ENITVIT.

CAIETANVS. FRASCARELLIVS. PRESBYTER

NATIONE. ITALVS. DOMO. ASCVLO. PICENTIVM

A. SECRETIS. APOSTOLICAE. LEGATIONIS

QVA. ADVD. REGINAM. FIDELISSIMAM

(CAMILLVS. DE. PETRO. ARCHIEPISCOP. BERYTHENSIVM.)

OPTIME. FVNGITVR.

EIVS. MAIESTATI. DEVOTVS

HAS. HISTORICO-HONORARIAS. INSCRIPTIONES


LVSITANORVM. REGVM

STVDII. LAVDIS. AC. REVERENTIS. ANIMI. MONVMENTVM

LIBENS. MERITO

D. D. D.

M. DCCC. L.



HENRICVS. BVRCVNDIVS.

HVGONIS. CAPETI. GALLIARVM. REGIS. ABNEPOS.

VIR. CONSILIO. INTEGR. PIETATE. IVSTITIA. PRVDENTIÆQVE. LAVDE

IN. ADVERSIS. MAGNITVDINE. INLVSTRIQVE. ARMORVM DOCTRINA

INSIGNEM. FAMAM. SVPERGRESSVS. EST.

IVRIS. GENTIVM. VLTOR. EXIMIVS

CHRISTIANAM. FIDEM. PROPVGNAVIT.

HISPANIIS. STRENVE. OPERAM. NAVANS. MILITIAE. LABORIBVS

SVB. INSIGNIIS. ALPHONSI. VI. REGIS. CASTELLAE. ET. LEGIONIS

THERESIAM. EIVS. FILIAM. IN. VXSOREM. RECEPIT.

NEC. NON. MVLT. DITIONIS. PARTE. PORTVGALLENSIS

PRAECLAROQVE. COMITIS. TITVLO

GRATI. ANIMI. ERGO. DONATVS

EAM. PLERISQVE. VICTORIIS. IN. MAVROS. PRAESERTIM. CVM. GLORIA. PARTIS

VARIISQVE. AMPLIS. MONIMENTIS. EXORNANS

LVSITANI. REGNI. FAVSTE. FELICITER. IECIT. FVNDAMENTA.

PIENTISSIMIS. DVCIBVS. SOCIATVS

HIERVSALEM. PERVENIT. SARACENORVM. TYRANNIDE

DIVTIVS. IMPIE. CRVENTATAM.

IN. QVA. OB. BELLICAM. VIRTVTIEM. APPRIME

INTAMINATIS. FVLGENS. HONORIBVS

MAGNV. NVMERVM. CATHOLICI. NOMINIS. HOSTIVM

PROFLIGAVIT. TRIVMPHAVITQVE.

AD. SVVM. REDVX. PRINCIPATVM

INGENTI. PLAVSV. LAETITIAQVE

DVLCISSIMA. SVI. MEMORIA. RELICTA

PLENSQVE. MERITIS. ATQVE. VIRTVTIBVS

DIEM. OBIT. SVPREMV

ANNORVM. LXXVII. EXACTORVM

HVMANÆ. SALVTIS

M. C. XII.



ALPHONSVS. HENRICVS. I.

HENRICI. COMITIS. FILIVS.

IN. DEVM. PIETATE. ET. IN. HOSTES. CLEMENTIA

SPECTATISSIMVS.

ITEMQVE. SAPIENS. CONDITOR. LEGVM

INSIGNISQVE. ORDINIS. EQVESTRIS. S. BENEDICTI. AVISIENSIS
ALIORVMQVE. OPERVM. SPLENDIDORVM. EXIMIVS. INSTITVTOR.

BENEFICANDI. ET. CIVIVM. GLORIAE. QVOTIDIE. STUDIOSVS
EQVITES. RHODIENSES. IN. SVA. RECEPIT. DITIONE.

FERDINANDI. PERES. TRASTAMARAE. COMITIS
VIRI. AETATIS. SVAE. POTENTIA. ET. OPIBVVS. CLARI

MATRI. THERESIAE. MATRIMONIO. DEVINCTI
REGALEMQVE. EIVS. POTESTATEM. DIMICANTIS
AVDACIAM. ET. ARMA. INTREPIDE. REPRESSIT.

QVASI. TOTA. DEIN. GALLAECIAE. REGIONE. DEBELLATA
INTER. EVM. ET. ALPHONSVM. VII. LEGIONIS. REGEM
DIVTVRNV. PRAELIVM. EXORTVM. EST.

DE. QVO. MVLT. CVM. LAVDE. BIS. FECIT. VICTORIAM.
LEGIONENSIBVS. POPVLIS. ATTAMEN. PERCVPIENTIBVS
IOANNE. BRACHARAE. ANTISTITE. MAIORI. ADPRECANTE
PAX. ET. CONCORDIA. ILLIS. REGRESSAE. SVNT.

LVSITANIAE. GENTIS. ADCLAMATIONE. REGE. SALVTATO
DESIDERIO. AESTVANS. CHRISTIANAE. FIDEI. PROPAGANDAE
ISMARIVM. NON. PARVAE. AFRICAE. PARTIS. BETICAEQVE. DOMINVM
SARACENORVM. INGENTIS. EXERCITVS. DVCEM

IN NOMEN. CATHOLICVM. SÆVIENTEM

VNA. CVM. ALIIS. QUATVOR. PRINCIPIBVVS. AMICITIA. ET. SOCIETATE. STATVTA.

IN. ORICHII. TELLVRE. DIVINITVS. DEBELLAVIT. ATQVE. TRIVMPHAVIT.
SCALLABI. FORTISSIMO OPPIDO. MAVRIS. EREPTO. ET. RVRSVM. RECIPERATO
VOTVM. SOLVIT. ALCOBATIAE. MONASTERIVM. DEIPARAE. SS. DEDICATVM
MAGNIFICE. EXTRVENS. OPVLENTERQVE. DOTANS.

POSTREMO. VLYSSIPONIS. DOMINIO. COPIARVM. EXTERARVM. OPE
ET. TRANSTAGI. TERRARVM. PLERYMQVE. POTITVS CIVITATIVM
DE. RELIGIONE. CVIVS. IN. REBVS. DIVVM. BERNARDVM. CLARAVALLENSEM

ADIVTOREM. HABVIT. PIENTISSIMVM

AC. DE. PATRIA. OPTIME. MERITVS
DOLOROSO. ET. DIVTVRNO. MORBO. CORREPTVS

PLACIDISSIMO. FINE. QVIEVIT
ANNOS. NATVS. LXXXVI. ET. AMPLIVS.

M. C. LXXX. V.

III.

SANCTIVS. HVIVS. NOMINIS. PRIMVS.

ALPHONSI. HENRICI. I. FILIVS.

PRVDENTIA. CLARIS. VIRTVTVM. EXEMPLIS. CVMVLATA

CONSILIORVM. OPTIMORVM. LAVDE. INLYSTRIS.

CVIVS. FIDES. IN. CHRISTVM. ATQVE. IN CIVES. SVOS

OMNIBVS. ACCEPTESSIMVM. FECIT.

AB. IPSO. IVVENTVTIS. FLORE. GLORIAE. PERCVPIDVS

BELLICAE. DOCTRINAE. RELIGIONISQVE. VESTIGIIS

PARENTIS. MAGNI. SEQVVTVS

ET. PRAECIPVO. IN. SCALABIS. OPPVGNATIONE

EIVS. FAMAE. MILITARIS. PARTICEPS

SPLENDIDAS. VICTORIAS. IN. PRINCIPES. FINITIMOS. RETVLIT.

BETICAM. PACEM. IVLIAM. ET. HELVIVM. VRBES. CLARISSIMAS

NEC. NON. PLERAQVE. OPPIDA. FLORENTIA

TOTVMQVE. FERE. ALGARBIORVM. REGNVM

DE. QVO. MAGNVS. MODERATOR. SALVTATVS

AVXILIO. DANORVM. BATAVORVMQVE. CLASSIVM

A. BARBARORVM. POTESTATE. LIBERATVM

IMMORTALI. LAVDE. SVO. REGNO. SVBHIENS

AD. VERI. NVMINIS. CVLTVM. VINDICAVIT.

RELIGIONEM. DIVTVRNIS. AVSPICIIS. EXOPTANS. EXALTARE

LVSITANAM. ECCLESIAM. ORDINESQVE. EQVITVM. PERINSIGNES

NOBILIBVS. PIETATIS. MONVMENTIS

AC. MVLTIS. SPECIATIM. REDITIBVS. LOCVPLETAVIT.

AGRICOLTVRAM. INSTAVRARE. GAVISVS. EST.

DITIONEM. EIVS. AERVMNIS. INFAYSTE. ET. DOLOROSE. GRASSANTIBVS

SEMPER. SIBI. SIMILIS. MANIFESTATVS

REMPVBLICAM. MAGIS. MAGISQVE. INVIT.

GRAVI MORBO. PATIENTER. TOLERATO

VNIVERSA. LVSITANIA. INGEMISCENTE

ANNO. DOMINICAE. INCARNATIONIS

M. CC. XI.

ÆTATIS. SVAE. LVIII. CIRCITER

VITA. FVNCTVS. EST

IV.

ALPHONSVS. II. SANCTH. I. FILIVS.

A. PVERITIA. INDOLIS. AVSTERAE. PRAEBENS. INDICIA
HERES. PATERNI. IVRIS. AC. REGALIS. HONORIS. ADCLAMATVS
PRINCIPATVS. EIVS. INTEGRITATIS. AMANTISSIMVS

A. FERDINANDO. ET. PETRO. FRATRIBVS

AD. EXSILIVM. TEMPORARIVM. MISSIS

ET. THERESIA. ET. SANCTIA. SORORIBVS

OPPIDIS. THESAURISQVE. A. PATRE. OPVLENTER. DONATIS

CONSTANTER. INCEPIT. ILLAM. VINDICARE.

EX. QVO. MAGNIS. DISSIDIIS. SVSCITATIS

ALPHONSO. IX. LEGIONENSIVM. REGE. IN. ARMIS. INTERAMNENSEM
PROVINCIAM. PROPECTO

ET. INNOCENTIO. III. PONT. MAX. ADPRECANTE

PAX. INTER. ILLOS. ET. CONCORDIA. REDIERE.

REGIBVS. CASTELLAE. ARAGONIAE. ET. NAVARRAE. AETATIS. SVAE

AMICITIAE. CAVSSA. ARMA. MITTENS

INTIMIS. DISSENTIONIBVS. IMPEDITVS

ESSE. NEQVENS. IPSORVM. DVCTOR

EOSDEM. ADIVVIT. VICTORIAM. GERENDI. MEMORANDAM

NAVIVM. TOLOSAE. NVNCVPATAM

SICQVE. ETIAM. GLORIAE. TAM. SPLENDIDAE. PARTICEPS. EFFECTVS. EST.

MAVROS. A. REGIBVS. CORDVBAE. HISPALIS. ET. PACIS. AVGVSTAE

IN. OPPVGNATIONE. SALACIAE. FORTITER. AVXILIATOS

EXTERIS. CLASSIBVS. PRIMVM. DE BATAVIA. IN. PALESTINAM. VERTENTIBVS

ET. GALLICIS. SECVNDO. ADIVTVS

SVBIECIT. DEQVE. EIS. TRIVMPHV. FECIT. INSIGNE.

IN. LAMACENSIBVS. CONIMBRICENSIBVSQVE. COMITIIS

LEGVM. BONARVM. AVCTOR

SVBEDITORVM. MAGNAM. PROMERVIT. BENEVOLENTIAM.

KLERI. CONDITIONEM. CIVIS. DISCIPLINA. ERAT. LABEFACTATA

MELIORI. FORMAE. RESTITVIT.

IPSIVS. MVNIFICENTIA. SODALITATES. DOMINICIANORVM. ET. FRANCISCALIVM

RELIGIOSA. CAENOBIA. IN. LVSITANIA. HABVERVNT.

TANDEM. OB. TRISTES. RERV. HVMANARVM. VICES

MVLTVS. EXACERBATVS. AMARITVDINIBVS

ANNVM. AGENS. XLVIII. PIE. DECESSIT

M. CC. XXX. III.

❧ V. ❧

SANTIVS. II. ALPHONSI. II. FILIVS.

VIR. ERGA. CALAMITOSOS. MISERICORDIA. SPECTABILIS.

VITIORYM. OMNIVM. INSECTOR.

AB. IVVENTUTE. GRAVI. AFFECTVS. INFIRMITATE

DIVO. AVGVSTINO. ECCLESIAE. N. DOCTORE. EGREGIO. EXORANTE

FIRMAE. SANITATI. DIVINITVS. RESTITVTVS. EST.

MAIORVM. EXEMPLA. AEMVLATVS

MILITARI. VIRTUTE. MAXIME. FLORVIT.

IN. MAVROS. VARIARYM. REGNI. PARTIVM. PERNICIEM. MOLIENTES

DIVTYRNE. PRAELIAVIT. INVICTE

ATQVE. AB. EIS. PLERASQVE. CIVITATES. ET. INSIGNIA. OPPIDA. VINDICAVIT.

INGENITA. PRAEDITVS. BENIGNITATE

TEMPORIBVS. MVLTIO. DIFFICILLIMIS

CONIVGALIBVS. VINCVLIS. ADSTRICTVS

KLERO. SENATV. POPVLO. QVE. LYSITANO. INVITIS

EFFERAE. CAEDES. EIVS. REGNV. CRVENTARVNT.

IDEM. REGALI. HONORE. ET. DIGNITATE. EXPOLIATVS

FRATRIQVE. ILLIVS. BONONIAE. GALLIARYM. COMITI

INNOCENTIO. IV. FIESCHIO. PONTIFICE. MAXIMO

GLORIOSVM. SCEPTVM. ADTRIBVTVM. EST.

DITIONEM. TVNC. CAVSSA. RECVPERANDI

IN. AVXILIVM. RVRSVM. HABITIS. COPHS

FERDINANDI. REGIS. CASTELLANORYM. ATQVE. LEGIONENSIVM

MVLTIA. FECIT. MVLTIAQVE. PASSVS. EST. MALA.

AT. OMNI. SOLLICITVDINE. FINEM. NVLLVM. FAVSTVM. OBTEITA

TOLETANAM. VRBEM. MAGNIS. OPIBVS. PROPECTVS

IBIQVE. POST. BIENNIVM. NON. SINE. LACRYMIS

BONORYM. OMNIVM. HONESTATVS

PIE. DECESSIT.

SVVMQVE. CORPVS. CONDITVM. EST

ANNO. A. CHRISTI. NATIVITATE

M. CC. XXXX. VIII.

QVVM. VIXISSET. ANNOS

XXXXVI.

❧ VI. ❧

ALPHONSVS. III. SANCTII. II. FRATRER.

MAGNI. ANIMI. VIR.

ADHVC. BONONIAE. COMES. IN. GALLIA

SENATV. POPVLO. QVE. LVSITANO. CONSENTIENTIBVS

SOLEMNIBVS. CONIMBRICAE. COMITIIS

REX. RENVNCIATVS. EST.

OB. CVIVS. MVNIFICENTIAM. ATQVE. INDVLGENTIAM

CIVIVM. BEATITAS. VINDICATA

COMMERCIVM. TERRA. MARIQVE. AVCTVM

VIRTVS. AVRI. ARGENTIQVE. DECRETATA. FVIT.

IDEMQVE. AGRICVLTVRAM. RESTAVRAVIT.

PLERASQVE. PARTES. ALGARBIORVM. REGNI

DIVTVRNI. ET. CRVDELITER. A. MAVRIS. AFFLICTATAS

STRENVA. BELLII. POTENTIA. SVA

MVLTA. CVM. GLORIA. DEBELLAVIT.

IPSO. MODERATORE

PORTVGALLIAE. SERMONIS. ELEGANTIA

INCEPIT. BENE. FLORERE.

MVNICIPALIA. IVRA. PARTIM. EXTINGTA. PARTIM. SVNT. DEBILITATA.

DECVS. SCIENTIARVM. HONOSQVE. LITTERARVM

LAVDIBVS. AC. PRÆMIIS. SPLENDIDIORIBVS. FVIT. AMPLIFICATVM.

OLISSIPONE. COENOBIVM. SODALIVM. DOMINICIANORVM

SCALLABIQVE. VIRGINVM. CLARALIVM. MONASTERIVM

PIENTISSIME. ÆDIFICAVIT

MVLTIQVE. PRAEDIIS. ATTRIBVTIS. DOTAVIT

ET. MAGNIS. HONORIBVS. ATQVE. MVNERIBVS. EXORNAVIT.

OPTIME. DEMVM. DE. PATRIA. MERITVS

ET. IN. EXEMPLVM. DE RELIGIONE

QVVM. AGERET. ÆTATIS. ANNVM

LXVIII.

M. CC. LXX. IX.

AB. OMNI. ORDINE. CIVIVM

DESIDERATVS. EST



VII.

DIONISIUS. ALPHONSI. III. FILIUS.

PRUDENTIA. IVSTITIA. CLARVS. CONSILIOQVE PROVIDVS

ET. OB. VERITATIS. AMOREM. PERINLVSTRIS

IN SANTIVM. IV. ET. FERDINANDVM. IIII. CASTELLAE. REGES

GRAVIBVS. ET. DIVTVRNIS. SIMVLATIBVS. VSVS. EST.

LATINIS. LITTERIS. MAGNOPERE. EXCVLTVS

INTER POETAS. LVSITANOS. EST. HABITVS ELEGANS.

AGRICVLTVRAM. COMMERCIVM. CIVIVM. AVXIT.

STVDIA. DOCTRINARVM. PRAEMIIS. EXCITATA. REVOCAVIT.

TEMPLA. COENOBIA. CIVITATES. AC. OPPIDA

FVNDITVS. EREXIT. ET. PARTIM. OB. TEMPORVM. INIVRIAM. DIRVTA. RESTITVIT

AVT. DONIS. AMPLISSIMIS. LOCVPLETAVIT.

REGIVM. LYCEVM. PRIMVM. INSTITVENS. VLYSSIPONE

CONIMBRIAM. POSTEA. IVVENTVTI. IN. ECCLESIAE. ET. PATRIAE. SPEM. INSTITVENDAE

TRANSLATVRVM. DECREVIT.

LIBERALITATE. IN. IACOBVM. REGEM

VXSORIS. FRATREM. SINGVLARIS. EXEMPLI.

SPLENDIDISSIMO. ORDINI. EQVESTRI. TITVLO. CHRISTO

AVSPICIIS. ET. INDVLGENTIA. IN. EIVS. DITIONE. ORIGINEM. TRIBVIT.

AB. NICOLAO. IV. MASSIO. PATRIA. ASCVLO. PICENTIVM

ET. CELESTINO. V. MORONO. AESERNIAE. CIVE

PONTT. OPTT. MAXX.

PORTVGALLENSEM. ORDINEM. MILITAREM. EQVITVM. IACOBIANORVM

MAGNO. CASTELLAE. MAGISTRO. ORDINIS. EIVSDEM. NOMINIS

HAVD. IN POSTERVVM. SVBIECTVM. ESSE. IMPETRAVIT.

SVAVISSIMARVM. LEGVM. AVCTOR. SAPIENTISSIMVS

OMNIGENIS. VIRTVTIBVS. MERITORVMQVE. GLORIA

PATER. PATRIAE

ET. PRINCIPVM. ETATIS. SVAE. CONSPICVVS. SALVTATVS.

DVM. INCLYTA. FAMA. PER. EVROPAM. VNIVERSAM. FRVEBATVR

PIE. EX. HAC. VITA. MIGRAVIT

ANNORVM. LXIII.

M. CCC. XXV.

ELISABETHA. ARAGONIA

CONIVGE. SANCTISSIMA

SVPERSTITUTE. AD. LVCTVM

RELICTA

VIII.

ALPHONSVS. IV. DIONYSII. FILIVS.

AB. IVVENTVTE. ANIMI. MAGNITVDINE. PRVDENTIA

PARIQVE. RELIGIONE

PRINCEPS. EGREGIVS. HABITVS. EST.

POESIS. AMANTISSIMVS. CARMINA. SCRIPSIT.

IN. ALPHONSVM. XI. CASTELLAE. REGEM

PRAELIVM. HABENS

QVOD. ANNOS. XII. CIRCITER. PERDVRAVIT

BENEDICTO. XII. PONTIFICE. MAXIMO DEPRECANTE

EVIT. ABSOLVTVM.

APPETENS. AVTEM. REGNI. SVI. CONCORDIAM

SÆPIVSQVE. ALIENAM. PACEM

INGENTI. EXERCITV. MAROCHIANO. IMPERATORE

GRANATENSI. PRINCIPI. FAEDERE. AMICITIAE. ADSTRICTO

TOTAM. QVASI. HISPANIARVM. REGIONEM. MINITANTE. AD. RVINAM

BETICAM. VENIT. MAGNIS. CVM. COPIS

SOCRO. EIVS. ALPHONSO. AVXILIVM. DATVRVS

ET. SOLEMNI. FIDEI. SINGVLARIS. TESTIMONIO

RELIGIONISQVE. GLORIA. IMMORTALI

EXITV. MEMORABILI

FECERVNT. VICTORIAM. ILLAM. CELEBERRIMAM.

QVAE. A. SALATHI. FLVMINE. NOMEN. ADEPTA. EST.

POPVLORVM. VTILITATEM. ASSIDVO. PROPVGNANS

CODICEM. LEGVM. OPTIMARVM. INSTITVIT.

IPSOQVE. LVSITANIAE. MAGNO. RECTORE

GRAVIS. LVES. PRIMVM

PORTVGALLIAM. GRASSAVIT

TERRAE. MOTVS. SECVNDO

CONCVSSIT. PROLAPSAVITQVE.

VIXIT. ANNOS. LXXVII. CIRCITER

OBIIT. M CCC LVII.

❧ IX. ❧

PETRVS. I. ALPHONSI. IV. FILIVS.

QVI

E. VIVIS. ABREPTO. PARENTE
POPVLII. VNIVERSI. ADCLAMATIONE
REX. INITIATVS.

MORTEM. STATIM. ATROCISSIMAM
INFELICIS. AGNETIS. DE. CASTRO
IN. VITA. TAM. IPSI. DVLCISSIMAE
VINDICATAM. VOLVIT.

CVIVS. CORPORE. INAVDITO. APPARATV. ATQVE. POMPA
E. MONASTERIO. VIRGINVM. CLARIALIVM. CONIMBRICAE
AD. ALCOBATIAE. CAENOBIVM

MAXVMIS. CIVIVM. LACRVMIS. HONESTATO
FREQVENTISSIMO. FVNERE. ELATO
VNA. CVM. TOTIVS. REGNI. PROCRIBVS
LVSITANIAE. REGINAM. SALVTAVIT.

PROPTER. EIVS. LIBERALITATEM. IN. VIROS. VIRTUTE. EMINENTES
RELIGIONEM. PAREMQVE. PRVDENTIAM. IN. NEGOTIIS. PVBLICIS
NVLLI. SECVNDVS. SVI. TEMPORIS. PRINCIPI.
LITTERIS. HVMANIORIBVS. EGREGIE. PRAEDITVS
EXERCVIT. CVM. LAVDE. POESIM.

AGRICVLTVRAE. COMMERCII. NAVIGATIONIS. FORTVNAM. FELICITER. AVXIT.
NOBILIVM. SVPERBORVM. VANITATES
REPRESSIT. AC. PENITVS. EXTINXIT.

TERRA. MARIQVE. PETRO. CASTELLANORVM. DOMINATORI
IN. PETRVM. IV. ARAGONIVM. BELLIGERANTI
* COPIIS. ARMORVM. SVPPETIAS. OBTVLIT.

IN. ADVERSIS. ANIMI. COSTANTIA. CLARVS.
PERINDVLGENS. ET. MODESTISIMVS. IN. FAVSTIS.
DECESSIT. ANNIS. AETATIS. SVÆ. XLVII. EXPLETIS
HVMANI. GENERIS. LIBERTATIS

MCCCLXVII.

CVIVS. OSSA. ALCOBATIAE. MARMOREO. IN. MONVMENTO
FVERVNT. SITA.

QVOD. SIBI. VIVENS. FIERI. MANDAVIT
PROPE. SEPVLCHRVM. VXSORIS. OPTATISSIMAE
AGNETIS. DE. CASTRO





FERDINANDVS. I. PETRI. PRIMI

ET. COSTANTIAE. CASTELLAE. FILIVS.

AB. ADOLESCENTIA. ERGA. OMNES. FIDE. RARISSIMA

CLEMENTIA. AC. PARI. BENIGNITATE. FLORESCENS

LEGVM. BONARVM. AVCTOR. PRVDENS

REMPVBLICAM. APPRIME. IVVIT.

FORTITVDINIS. DECORISQVE. REGNI. STVDIOSVS

VLYSSIPO. ET. EBORA

MAXIMIS. LVSITANIAE. VRBIBVS. ADDICTAE

OB. EIVS. MVNIFICENTIAM. FVERVNT. MOENIIS. CIRCVMDATAE.

DITIONEM. AMPLIFICANDI. ASSIDVO. FLAGRANS. AFFECTV

FAEDERE. AMICO. PETRO. IV. ARAGONIO

PRINCIPIQVE. MAVRO. GRANATENSI. CONSOCIATVS

IN. HENRICVM. TRASTAMARAE. COMITEM

CASTELLANI. REGNI. DOMINVM. APPELATVM

BELLVM. INDIXIT. PRAELIAVITQVE.

REBVS. VERO. BELLICIS. COMPOSITIS

AVCTORE. GREGORIO. XI. PONT. MAXIMO

QVI. SANCTAE. ROM. ECCL. CARDINALEM. BONONIENSEM

VTI. LEGATVM. MITTENS. CVM. LIBERIS. MANDATIS

PAX. INTER. EOS. SCALLABI. FVIT. FIRMATA.

AT. PORTVGALLENSI. FAMILIAE

ÆVO. CALAMITOSO. DECVRRENTE

OB. DIVTVRNAS. INTIMAS. FINITIMASQVE. CONTENTIONES.

QVVM. VIXISSET. AD. ANNVM

TERTIVM. SVpra. QVADRAGESIMVM. CIRCITER

VITA. DEFVNCTVS. EST

ANNO. D. N. I. CHRISTI

M. CCC. LXXX. III.

❧ XI. ❧

IOANNES. I. PETRI. I. FILIVS.

EX. MAGNA. PRAEFECTVRA. EQVITVM. AVISIENSIVM
 OB. PLVRA. ET. INSIGNIA. IN. SE. PROMERITA
 POST. INTERREGNV. A. MORTE. FERDINANDI. REGIS
 MENSIS. I. ET. DIERV. XV. CIRCITER
 ORDINIS. POPVLI. QVE. LVSITANI. VNIVERSI
 FESTIVA. ADCLAMATIONE
 VLYSSIPONE. PRIMVM. DEFENSOR AC. REGENS.
 DEIN. CONIMBRICAE. GENERALIBVS. COMITIIS. CONVOCATIS
 REX. DESIGNATVS
 ILLICO. NVNV. ALVARES. PEREIRA. VIRVM. INSIGNEM
 MAGNV. COMITEM. STABILEM
 REGIAEQVE. DOMVS. SVMMVM. MAGISTRVM
 GRATI. ANIMI. ERGO. RENVNCIARI. VOLVIT
 AD. REGNI. TVTELAM. PENITVS. ADDICTVS
 ARMORVM. POTESTATE. INGENTIQVE. PERITIA
 IOANNEM. I. CASTELLAE. DOMINVM. IN. EIVS. DITIONEM. PRAELIANTEM
 BIS. STRENVE. SVPERAVIT.
 ET. OB. VICTORIAM. ILLAM. ALIVBARROTAE. NVNCVPATAM
 LVSITANI. NÖMINIS. GLORIOSAM. FAMAM. AMPLIFICANS
 AD. LAVDIS. AETERNAE. MONVMENTVM
 MAGNIFICVM. BATALIAE. COENOBIV. EXTRVXIT.
 PACE. CIVIBVS. REGRESSA. REBVSQVE. PVBLICIS. COMPOSITIS
 MVNIFICENTIA. LEGVM. OPTIMARVM
 LIBERTATEM. PATRIAE. VINDICANDO
 MAGNITVDINE. CONSTANTIA. ERGA. DEV. MIRA. RELIGIONE
 SVBDITORVM. REVERENTIAM. SIBI. DEVINXIT.
 LISBONSEM. ECCLESIAM. METROPOLITANO. IVRE. INSIGNIRI. EXOPTAVIT
 SYNODIS. PISARVM. CONSTANTIAE. ET. BASILEAE
 PER. SVOS. LEGATOS. INTERFVIT.
 AFRICAM. FIDEI. CHRISTIANAE. PROPAGANDAE. CAVSSA. PERGENS
 ELECTA. MILITIA. BELLICISQVE. NAVIGIIS. PROSEQVTVS
 SEPTAM. INTER. NOBILIORES. ET. PERANTIQVAS
 ILLIV. REGIONIS. VRBES. EXPVGNVIT.
 PLERASQVE. DITISSIMAS. OCEANI. INSVLAS. DETEXIT.
 SCIENTIIS. LITTERIS. NAVIGATIONI. AGRICVLTVRAE. COMMERCIOQVE
 FAVSTA. FELICI. FORTVNA. SECVNDANS
 DVLCESSIMA. SVI. MEMORIA. ET. DESIDERIO. RELICTO
 PIE. OBIT. AETATIS. SVAE. ANNIS. LXXVI.
 MCCCCXXXIII.

❧ XII. ❧

EDVARDVS. IOANNIS. I. FILIVS.

PRINCEPS. EGREGIIS. INGENITISQVE. DOTIBVS

IN EXEMPLVM. EXORNATVS.

EQVES. SVI. TEMPORIS. PRAESTANTISSIMVS.

CONSIPIO. IVSTITIA. ATQVE. BENIGNITATE. NVLLI. SECVNDVS.

RITVVM. IVRIVMQVE. SACRORVM. VINDE. PERPETVVS.

AD. SYNODVM. BASILEAE. OECVMENICAM

VNA. CVM. DVOBVS. LEGVM. DOCTORIBVS. SAPIENTISSIMIS

ALPHONSVM. COMITEM. LEGAVIT.

INGENII. ALACRITATEM. ATQVE. INTELLIGENTIAM. EIVS. OMNES. ADMIRATI. SVNT.

AD. REGALE. CVLMEN. SOLEMNI. EVECTVS. HONORE

POPVLOS. QVOS. VNICE. DILIGEBAT

PATRIAE. PRAESIDIO. DECORE. ATQVE. GLORIA

ARMORVM. ERVDIRI. DOCTRINA. ASSIDVO. CVRAVIT. IN. DELICHS.

FERDINANDVM. ET. HENRICVM. FRATRES. KARISSIMOS

MVSVLMAE. GENTIS. APVD. MAVRITANIAM. FEROCITATEM. COMPRIMENDI

RELIGIONEMQVE. CHRISTIANAM. PROPAGANDI CAVSSA

AD. AFRICANAS. REGIONES. TRANSEVNTES

THESAURIS. AC. MILITVM. MAGNA. COHORTE. ADIVVATVS

INFELICISSIMI. EXITVS. BELLII. NOTITIAM

NEC. NON. FERDINANDI. INTER. TYRANNIDIS. VINCVLA. DECESSI

CONSTANTI. PATIENTIQVE. ANIMO. RECEPIT.

LITTERARVM. HVMANARVM. BONARVM. ARTIVM

DISCIPLINAE. MORVM. TRADENDAE. PRAECIPVO

CVLTOR. STVDIOSVS. ATQVE. SOSPITATOR

MVLTAQVE. ORNATE. ET. ELEGANTER. EXARAVIT. SCRIPTA.

DOLOROSO. CONTAGIO. LVSITANIAM. DEPOPVLANTE

ANNIS. AETAT. SVAE. XXXXVII. NONDVM. EXACTIS

MORTEM. VITAE. CONSENTANEAM

INOPINATE. OPPETIIT.

MVLTI. CVM. LACRVMIS

PIISQVE. AD. FVNVS. PRECIBVS

PROSEQVTVS

MCCCCXXXVIII.

XIII.

ALPHONSVS. V. EDVARDI. FILIVS.

AB. INFANTIA. REGIAE. DOMVS. PORTVGALLENIS

PRINCEPS. SALVTATVS. EST.

ET. EIVS. MINORI. ÆTATE. PERDVANTE

ELEONORA. MATER. REGNI. MODERATRIX

EX. PATRIS. TESTAMENTO. EST. ADLECTA.

AST. DISSIDIIS. PESSIMORVM. VIRORV. CAVSSA. EXORTIS

PETRO. PATRVO. ANTEA. DOMINII. PARS. DEIN. TOTA. FVIT. ADTRIBVTA.

QVAM. MAGNA. PRVDENTIA. AC. INTEGRITATE. ADMINISTRATVS

AVGVSTO. NEPOTI. QVVM. AGERET. ANÑOS. XVI. IVRE. RESTITVIT.

QVI. IVSTITIA. ATQVE. CLEMENTIA

POPVLORVM. BEATITATIS. STVDIO

LIBERALITATE. AC. MVNIFICENTIA. INSIGNIS.

PATRII. SERMONIS. FACVNDIA

MEMORIA. FELICI. ALACRIQVE. INGENIO. PRAEDITVS

FLORVIT. MAXVMO. OPTIMI. REGIS. EXEMPLO.

MVLTO. INTER. VIROS. DOCTRINA. COPIAQVE. VIRTVTVM. EGREGIOS

HONORIS. GRATIQVE. ANIMI. ERGO

COMITES. VICE-COMITES. MARCHIONES. ET. PRIMORES. LVSITANI. REGNI

ATQVE. PATRVVM. ALPHONSV. PRIMVM. BRIGANTIAE. DVCEM

COOPTARI. STVDVIT.

MILITARIS. GLORIAE. PERCVPIDVS

BIS. AFRICAM. INVICTE. PROPECTVS. VICTORIOSE. REDIIIT.

PRAECONIIS. LAVDVM. PROCERV. LVSITANORVM. CVMVLATVS.

QVI. VNA. SECV. STRENVE. PRAELIANTES

HOSTES. CATHOLICAE. FIDEL. DEBELLARVNT.

AD. IVVENTVTIS. VTILITATEM. PRIMVS. IN. PORTVGALLIA

BIBLIOTHECAM. PVBLICE. APERVIT.

ET. OPTIMIS. QVIBVSQVE. LIBRIS. DITAVIT.

LITTERARVM. EARVMQVE. CVLTV. ESSE. PATRONVM. ADSIDVO. OPTANS

AMOREM. CIVVM. VNIVERSORVM

DOMI. FORISQVE. PROMERITVS.

SINTRIAE. VBI. NATVS. EST

PLACIDISSIMO. FINE. QVIEVIT

POST. IHEROSOLIMAE. REDITVM.

QVAM. PETIIT. RELIGIONIS. PIETATISQVE. CAVSSA

ANNVM. AGENS. XLVIII. ET. AMPLIVS

M. CCCC. LXXX. I.

❧ XIV. ❧

IOANNES. II. ALPHONSI. V. FILIVS.

AB. IVVENTVTE. LITTERARVM. LAVDE
 MODESTIA. PRVDENTIA. IVSTITIAQVE
 NVLLIS. COETANEIS. PRINCIPIBVS. SECVNDVS.
 CIVS. EGREGIAE. VIRTVTES. INDICIA. PRÆBVERE. CLARISSIMA
 SE. REGEM. ADFVTVRVM. INVICTISSIMVM.
 DOMI. BENIGNVS. FORISQVE. PERVTILIS.
 PARENTEM. SVVM. HVC. ILLVC. IN. ARMIS. ADIVVATVS
 FAMAM. OPTIMAM. ADEPTVS. EST.
 MERITORVM. SPECTABILIVM. REMVNerator
 BONARVM. ARTIVM. STVDIORVMQVE. DOCTRINARVM
 HONORES. MAXVMOS. REVOCAVIT.
 IN. REBVS. TRACTANDIS. INTEGER. VITIORVM. INSECTOR. PERPETVVS.
 QVI. TRISTISSIMIS. RERV. VICIBVS. EQVO. AC. FORTI. ANIMO
 FEVDALIA. IVRA. EVROPAE. VNIVERSAE. TAM. PERNICIOSA
 NOBILIVMQVE. TVRPEM. INNOCVAMQVE. REPRESSIT. SVPERBIAM.
 OB. QVOD. IN. VARIIS. REGNI. PARTIBVS. ÆRVMNIS. INFAVSTE. SVSCITATIS
 CHRISTOPHORVS. COLVMBVS. ITALVS
 AD. NOVAM. MVNDI. REGIONEM. PROFICISCENDI. PERCVPIENS
 NEQVIVIT. OPEM. QVAM. ILLI. PETIERAT. OBTINERE.
 ALEXANDRO. VI. BORGIA. PONT. MAX.
 EOQVE. LVSITANIAE. MODERATORE
 FINES. TERMINIQVE. TERRARVM
 QVAE. AB. IPSO. SVISQVE. DECESSORIBVS. AVGVSTIS. ERANT. REPERTA
 INTER. PORTVGALLIAE. ET. HISPANIAE. DOMINIVM
 STATVTI. DECRETATI. SVNT.
 CONGI. REGNO. DETECTO. BONAE. SPEI. VSQVE. PROMONTORIVM
 INTREPIDI. LVSITANI. VIRI. PERVENERE
 ET. INDIARVM. ITA. NAVIGATIO. FELICITER. ADAPERTA. EST.
 SIGNIS. DENIQVE. HONORIS. ET. BENEFICENTIAE. SPLENDIDISSIMIS
 SVIQVE. MEMORIA. GLORIOSA. RELICTA
 MAGNA. TRISTITIA. REPLETVS
 OB. MORTEM. IMMATVRAM. VNIGENI. FILII
 QVEM. SOLEMNITER. MATRIMONIO. IVNXERAT
 CVM. ELISABETHA. CATHOLICIS. REGIBVS. NATA
 ANNOS. AGENS. XXXX. TANTVM
 EXINCTVS. EST
 MCCCC XCV.

XV.

EMMANVEL

IOANNIS. II. REGIS. COGNATVS.

EDVARDI. REGIS. NEPOS.

FERDINANDI. DVCIS. BEIENSIVM. ATQ. VISENSIVM. FILIVS.

IVSTITIAE. AC. RELIGIONIS. SECTATOR. INSIGNIS. ASSIDVVSQVE. PROPVGNATOR.

NVMEROSAE. AVGVSTAEQVE. PROLIS. GENITOR.

SVB. CVIVS. FAVSTVM. FELICISSIMVM. PRINCIPATVM

ET. OB. EIVS. MVNIFICENTIAM. AVXILIA. CONSILIVM. ET. AVSPICIA

VASCVS. DA. GAMA. PETRVS. ALVARES. CABRAL

CASPAR. CORTE. REAL. IOANNES. DE NOVAS

ANTONIVS. ET. FRANCISCVS. DE. ALMEIDA

ALPHONSVS. DE. ALBVQUERQVE

FERDINANDVS. PIRES. DE. ANDRADE

PLERIQVE. LVSITANAE. FAMILIAE. VIRI

AB. AVIS. ET. MAIORIBVS. NOBILITATE

VEL. COPIA. VIRTVTVM. OMNIGENARVM. CLARISSIMI

INDIAM. ARABIAM. PERSIAM. AFRICAM. AETIOPIAM

ALIASQVE. ORBIS. TERRARVM. REGIONES

MAGNITVDINE. ET. ANIMI. CONSTANTIA. PENETRANTES

INCLYTVM. PATRIAE. SPLENDORIS. DIVITIARVMQVE. PATRIMONIVM

NOMINISQVE. EORVM. IMMORTALITATEM. ADEPTI. SVNT.

IN. TAM. PROSPERIS. ETIAM. VICISSITVDINIBVS

OMNES. FERE. EVROPAE. PRINCIPES. EIVS. AMICITIAM. PERCVPIENTES

HONORIFICENTISSIMOS. PERAMPLOSQVE. ORATORES. AD. EVM. MISERVNT.

INTER. QVOS. FERDINANDVS. REX. CATHOLICVS

KAROLVS. V. MAGNVS. IMPERATOR. HENRICVS. VIII. REX. ANGLORVM

FRANCISCVS. I. GALLIAR. REX

ET. POSTREMO. VENETIARVM. RESPVBICA.

HVMANAS. ET. DIVINAS. LITTERAS. ARTES. SCIENTIASQVE

IN. TVTELAM. SVAM. NVNQVAM. OMITTENS. HABERE

NOVAS. AC. VETERES. LEGES. IN. VNVM. COLLIGENS. CODICEM

CAENOBIA. ET. TEMPLA. RELIGIONIS. N. ORAMENTO

MONIMENTA. NONNVLLA. CIVIVM. VTILITATI

AVT. FVNDITVS. MAGNIFICE. AEDIFICANS

AVT. EX. VETVSTATE. CORRVPTA. REFICIENDA. CVRANS

AD. SVMMVM. GLORIAE. FASTIGIVM. PERVENIT.

ANNOS. AGENS. AETAT. LII. CIRCITER

PIE. OBIIT. DIEM. SVPREMVM

INGENTI. SVI. DESIDERIO. RELICTO

M. D. XX. I.

❧ XVI. ❧

IOANNES. III. EMMANVELIS. FILIVS.

A. PRIMO. ÆTATIS. FLORE. INDOLIS. EGREGIAE.
CVIVS. BENIGNITAS. PRVDENTIA. ATQVE. IVSTITIA
RELIGIONIS. IN. DEVM. ET. ERGA. PAVPERES. PIETATIS. LAVDE
CVMVLATA. EST.

LVSITANVM. REGNV. INSVLARVM. NOVARVM
AVT. NOBILIVM. CIVITATIVM
CIVIVM. OPTIMORVM. PERITIA. AVT. MAGNANIMITATE. AMPLIFICANS
IN. AMERICA. AFRICA. ASIAEQVE. SIN. SPECIATIVM

DE DIE. IN. DIEM. DETECTARVM

PLERIQVE. REGES. ET POPVLI

GRATI. ANIMI. SIVE. PRAESIDII. CAVSSA

TERRAS IPSORVM. DOMINII. POTESTATISQVE. LVBENTER. CONIVNXERE.

AVT. SVBDITAS. PRINCIPATVI. SVI. FECERVNT.

PAVLLO. III. FARNESIO. PONT. MAXIMO

LVTERANA. DOCTRINA. CHRISTIANAE. FIDEI. INFESTISSIMA

PORTVGALLIAM. PERVERTENTE. IMPIEQVE. GRASSANTE

TRIBVNAL. SACRI. CONSILII. PERDVLLIBVS. ECCLESIAE. DEFENDENDIS. APERVIT.

ET. AD. DISCIPLINAM. VTRIVSQVE. KLERI. PROPVGNANDAM

ORDINIS. IESV. SOCIETATIS. VBIQVE. CLARISSIMI

IGNATIO. LOIOLAEI. PATRE. LEGIFERO. ADHVC. VIVENTE

IECIT. IN. SVO. REGNO. FVNDAMENTA.

LEIRIENSEM. MIRANDENSEM. PORTALEGRENSEM. ECCLESIAS. EPISCOPALI

ET. EBORENSEM. METROPOLITANO. HONORE. ET. IVRE

OBTINUIT. INSIGNIRI.

AC. GENTIBVS. INDIARVM. CHRISTIANO. NOMINI. VINDICANDIS

DIVVM. FRANCISCVM. XAVERIVM. VTI. APOSTOLVM. EVANGELICAE. VERITATIS

MITTERE. CVRAVIT.

BRASILIAM. IN. VARIAS. DITIONIS. PARTES. DIVIDENS

OPTIMIS. CIVIBVS. ILLAS. DEDIT. ADMINISTRANDAS.

MAGNV. LISBONENSE. LYCEVM. RVRSVM. CONIMPRICAE. RESTITVENS.

ET. VIRIS. STVDII. OMNIGENIS. SCIENTIARVM. ET. BONARVM. ARTIVM

POLITIORISQVE. HVMANITATIS. SPECTATISSIMI

IDEM. AD. DOCENDAM. IVVENTVTEM. DITARE. STVDVIT.

PRINCEPS. FELIX. PACIFICVS. INVICTVS. SALVTATVS

APOPLETICO. MORBO. CORREPTVS

PIE. DECESSIT. ANNORVM. LV.

M., D. L. VII.

XVII.

SEBASTIANUS

IOANNIS. III. EX. FRATRE. NEPOS
 QVI. EX. EIVS. TESTAMENTO. PRIMVM. SVB. TVTELA
 KATHARINAE. AVVNCVLAE. AVGVSTAE
 ET. SECVNDO. SVB. HENRICI. PATRVI. SANCTAE. ROM. ECCL. CARDINALIS
 OBSEQUENTISSIME. ET. CVM. LAVDE. VICTVS.
 IVSTITIA. INTEGRITATE. ATQVE. ANIMI. MAGNITVDINE. SVMMA
 ERGA. LITTERAS. SCIENTIAS. ARTESQVE. BONAS
 PERINDVLGENTI. MVNIFICENTIA. CONSPICVVS
 CVRRENTE. ANNO. M D LXX II.
 HEROICVM. POEMA. GLORIARVM. LVSITANARVM
 AB. ALOISIO. CAMOENS. FELICITER. CONDITVM
 PRIMITVS. TYPIS. FVIT. COMMISSVM
 OMNIGENISQVE. DOTIBVS. EGREGIE. FLORESCENS
 VNIVERSI. POPVLI. CONSENSV. ET. PLAVSV
 REX. RENVNCIATVS. EST.
 CVIVS. IN. PRINCIPATVS. INITIO
 ELVENSIS. ECCLESIA. AB. EBORENSI. DISIVNCTA
 PONTIFICALI. HONORE. FVIT. INSIGNITA.
 ARMORVM. VIRTUTE. AD. GRANDIA. EXCITATVS
 INDICAS. TERRAS. PROPECTVS
 VBI. RERVM. AB. DVCIBVS. INVICTISSIMIS. GESTARVM. FAMA
 NOMEN. PATRIAE. SPLENDIDIVS. ADIPISCEBATVR
 SVSTINENDO. VINDICANDOQVE. DECVS. PORTVGALLENSE
 A. CVNCTIS. PENE. ORIENTIS. PRINCIPIBVS. INSIDIATVM
 BREVI. PORTVGALLIAM. REVERSVS. EST.
 AT. SOLVM. DITIONIS. SVAE. SPLENDIDIORIS. FAMAE. PERCVPIENS
 INGENTIQVE. STVDIO. CHRISTIANAE. FIDEI. PROPAGANDAE
 CIVIBVS. OPTIMIS. INVITIS. ET. PRAESERTIM. PHILIPPO. II. AVVNCVLO
 AD. AFRICANAM. REGIONEM. INTREPIDE. TRANSIVIT.
 EXITV. VERVM. INFELICI. PRAELIANS. IN. MAVROS
 NONNVLLIS. VISIS. LVSITANIAE. PROCERIBVS. ORDINIS. PRIMI
 VNA. SECVM. BELLIGERANTIBVS
 STRENVE. OPPETENTIBVS. MORTEM
 TITVLO. MAIESTATIS. AMPLISSIMAE
 PRIMVS. INTER. DECESSORES. EXORNATVS
 ANNVM. AGENS. XXIII. EHEV! TANTVM
 M D LXX VIII.
 EFFERVESCENTE. PVGNA
 VITA. DEFVNCTVS. EST

❧ XVIII. ❧

HENRICVS. EMMANVELIS. FILIVS.

SANCTAE. ROM. ECCL. PATER. CARDINAL.

OB. MORVM. INTEGRITATEM. IVSTITIAM

INGENITAM. ADSTINENTIAM. FIDEM. PRVDENTIAM. IN. REBVS. AGENDIS

CONSILIVM. ET. EXEMPLVM. RELIGIONIS. PRAECLARVM

NON. VNO. SERMONE. LAVDANDVS.

DOCTRINIS. SCIENTIARVM. LITTERISQVE. SACRIS. OPTIME. ERVDITVS.

MONASTICORVM. ORDINVM. PIENTISSIMVS. RESTITVTOR.

SACRAEQVE. DISCIPLINAE. VLTOR. INVICTVS.

EBORAE. SOCIETATIS. IESV. COENOBIVM. INSTITVIT.

IBIQVE. CIVIVM. COMMODITATI. AQVAE. DVCTVM. REFECIT.

ET. SVpra. OCEANVM. ARCEM. SANCTI. IVLIANI. DICTAM

PROPE. VLYSSIPONEM. CONDIDIT.

QVI

REGE. SEBASTIANO. EXTRA. PATRIAM. GLORIOSE. DIEM. SVVM. OBITO

SENATVS. POPVLIQVE. PORTVGALLENSIS. ADCLAMATIONE

REGNI. SVPREMV. MODERATOR. ADLECTVS. EST.

INCOMMODA. TAMEN. VTENS. SENECTVTE

LEGITIMVM. SVPERSTITEM. DIGNITATIS. AVGVSTAE

STVDIOSISSIME. ADCLAMARE. CVRAVIT

INTER. KATHARINAM. AB. DYNASTIS. BRAGANTINIS. PROGNATAM

PHILIPPVM. REGEM. CATHOLICVM. HVIVS. NOMINIS. II.

EMMANVELEM. PHILIBERTVM. SABAVDIAE. DVCEM

RAYNVTIUM. PRINCIPEM. PARMENSIVM

ET. ANTONIVM. MAGNV. PRIOREM. CRATENSEM

NEC. NON. GALLIARVM. REGINAM. KATHARINAM. MEDICEAM.

VERVM. IN. COMITHIS. DISSENTIONIBVS. SVSCITATIS

QVINQVEMVIROS. TANTVM. VICE. GERENTES. RELIQVIT.

DVM. LVSITANIAE. NOMEN. ARMORVM. POTENTIA

INDIIS. FRVI. IMMORTALI. GLORIA. PROMEREBATVR.

PLACIDISSIME. IN. DOMINO. DECESSIT

M. D. LXXX.

QVVM. VIXISSET. ANNOS

LXVIII.

❧ XIX. ❧

PHILIPPVS. II. REX. CATHOLICVS
 ET. LVSITANIAE. EIVSDEM. NOMINIS. PRIMVS.
 KAROLI. V. MAGNI. IMPERATORIS. FILIVS.
 OB. FIDEM. IN. DEVM. ANIMIQUE. FORTITVDINEM. SINGVLARIS. EXEMPLI.

QVI

HENRICO. CARD. REGE. DEMORTVO
 REGIONEM. REGNI. FINITIMAM. PROPECTVS
 AD. VIGILANDAM. PROPVGNANDAMQVE. PORTVGALLIAE. CONCORDIAM
 ET. ANTONIO. MAGNO. PRIORE. CRATENSI
 PRAESIDIO. CIVIVM. TOT. MALORVM. FAVTORVM
 REGIAE. DITIONIS. SE. IPSO. DOMINO. CONSTITVTO
 SVIS. ARMIS. INSECTATO. DEVICTOQVE
 DIE. FESTO. PETRI. ET. PAVLLI. APOSTOLORVM. SALVTARIVM
 SOLEMNI. LVSITANORVM. IVREIVRANDO
 THOMARIENSIBVS. IN. COMITIIS
 REX. SIBI. FACTVS. ADCLAMARE
 TRIUMPHANS. VLISSIPONEM. INGRESSVS EST.
 CONFIRMANDO. IVRA. LEGESQVE. PERVETVSTAS. AVGENDO
 ET. VRBE. PORTVENSI. TRIBVNAL. IVRIDICVM. INSTITVENDO
 INCOLARVM. INTERAMNENSIVM. TRANSMONTANORVM
 ET. BERIENSIVM. VTILITATI
 APVD. CELOBRICAM. VNAM. APVD. OLISIPONEM. ALTERAM
 ARCEM. AEDIFICANDO
 BENE. DE. RE. PVBLICA. PROMERITVS. EST.
 MATRITI. DECESSIT. ANNORVM. LXXI.
 M D LXXXX VIII.

HABVITQVE. SEPVLCRVM. IN. CAENOBIO. DIVI. LAVRENTII
 QVOD. DE. IMPENSIS. SVIS. VOTVM. SOLVENS
 MAGNIFICE. CONDIDIT
 AD. MEMORIAE. PERENNITATEM
 INSIGNIS. VICTORIAE
 SANCTI. QVINTINI. DICTAE
 QVAM. IPSE. FECIT

❧ XX. ❧

PHILIPPVS. SECVNDVS

PHILIPPI. I. PORTVGALLIAE. FILIVS.

QVI. PERANTIQVO. TRIVMPHALI. MORE. SERVATO
AD. REGNV. LVSITANORVM. INITIATVS.....

EIVS. DOMINIVM

INLVSTRIA. FACTA. CIRCVMDATA. VICTORIIS
INDIIS. ORIENTALIBVS. PARTIS. AVSPICARVNT.

NOVISQVE. REGNIS. DEBELLATIS

EX. PERITIA. DVCTORVM. COPIARVM. INVICTISSIMORVM
FVIT. AVCTVM.

RELIGIONIS. STVDIO. PROPAGANDAE

HIBERIAE. GENTIBVS. CHRISTIANAM. FIDEM. AMPLEXATIS
LVBENTISSIME. TRIBVIT. AVXILIA.

LITTERARVM. CVLTORES. VIROSQVE. MERITIS. EGREGIOS
CONTINVO. TVTATVS. EST.

FOEDERIS. MVNERVMQVE. PVBLICORVM. CAVSSA
MVLTO. APVD. SE. ORATORES

SPLENDIDISSIMORVM. PRINCIPVM. HABVIT.

PAVLLO. V. BVRGHESIO. PONTIFICI. MAX.

FERDINANDO. II. IMPERATORI. AVGVST.

POPVLISQVE. FINITIMIS. ATQVE. LONGINQVIS

PECVNIAE. SIVE. MILITIAE. SVBSIDIA. MISIT.

EX. INDICO. MARE. BATAVOS. ANGLOSQVE. PRAEDONES

PLERASQVE. INSVLAS. OCEANI. DIRE. GRASSANTES

SAEPIVS. PROFLIGAVIT. AC. FERE. PENITVS. EXTINXIT.

BONAS. LEGES. RESTITVENS

AVT. AMPLIFICANS

POSTERIS. SVI. MEMORIAM. COMMENDAVIT.

QVADRAGENARIO. MAIOR

IN. PACE. QVIEVIT

MDCXXI.

❧❧❧ XXI. ❧❧❧

PHILIPPVVS. TERTIVS

PHILIPPI. II. PORTVGALLIAE. FIL.

CONSTANTIA. PIETATE. ATQVE. IVSTITIA

IN. REBVS. TRACTANDIS

SPECTABILI. LAVDE. EXORNATVS.

ADHVC. PATRE. VITAM. AGENTE

LVSITANIAE. REGENS. SALVTATVS

PRINCIPIS. EGREGII. PRAEBVIT. TESTIMONIUM.

REGIA. POTESTATE. LIBERE. AC. SPLENDIDE. DONATVS

REIPVBLICAE. BONVM. PROPVGNAVIT.

FIDEM. PONENS. IN. HOMINIBVS. MALIGNA. AMBITIONE. PESSIMIS

BATAVI. PRO. VETERI. IN. SVOS. HISPANOS. SIMVL TATE

COLONIAS. TRANSMARINAS. INVADENTES

IN. AFRICA. S. GEORGI. IN. AMERICA. PERNAMBVCI

IN. ASIA. MALACEAE. ORMVTII. COLVMBII. ET. MANARAE

DOMINIVM. VSVRPAVERE.

BONARVM. ARTIVM. POLITIORISQVE. HYMANITATIS

IPSO. CVLTORE. ATQVE. PATRONO

QVAMPLVRIMI. VIRI

LITTERIS. SCIENTIIS. ET. ARMIS. CLARISSIMI. FLORVERVNT.

INTER. QVOS. EMINENS. VISVS. EST.

ITALVS. MAGNANIMVS. AMBROSIVS. SPINOLA.

TANDEM. POST. ANNOS. LX. CIRCITER

HISPANICAE. DOMINATIONIS

LVSITANIA

LIBERTATI. AVITAE

FVIT. RESTITVTA

OBIIT. ANNIS. AETATIS. SVAE.

LXI. P. M.

MDC LXV.

❧ XXII. ❧

IOANNES. IV. THEODOSII. II.

EX. DYNASTIS. BRAGANTIE. FILIVS.

ET. KATHARINAE. REGIAE. PROSAPIAE. NEPOS.

INCOLIS. PORTYGALLIAE. VNIVERSIS. AB. HISPANICA. SERVITVTE. ABHORRENTIBVS

INGENTI. LAETITIA. SOLEMNIQVE. POMPA

ANNO. MDCXL. AD. AVGVSTAM. ELATVS. EST. DIGNITATEM.

QVATVORDECIM. CIRCITER. ANNORVM. SPATIO. IN. BATAVOS. PRAELIANS
INSVLARVM. OCEANI. DOMINII. SVI. EX. FRAVDE. FACTOS. DOMINATORES

ALIISQVE. MVLTIS. IN. LOCIS. TERRA. MARIQVE. ARMA. GERENS

PER. SVOS. EXERCITVVM. PRAEFECTVS. TRIVMPHOS. RETVLIT. INSIGNES.

PHILIPPI. IIII. CATHOLICI. ARMIS. ET. INSIDIIS. EVM. CONTINVO. MINITANTIS

AD. EIVS. REPRIMENDAM. AVDACIAM

CVM. REGIBVS. ANGLIAE. GALLIARVM. SVECIAE. DANIAE

ETIAMQVE. CVM. HOLLANDIAE. REPVBICA

CLARVM. INIVIT. FAEDVS.

SVAE. PROLIS. NVNQVAM. SATIS. AMANTISSIMVS

THEODOSIVM. FILIVM. PRIMVM. BRASILIAE. PRINCIPEM

ET. DVCEM. BRIGANTIENSEM. CONSTITVIT.

FACVNDIA. SERMONIS. OMNIGENARVM. COPIA. VIRTVTVM

ET. OB. EXIMIAS. IN. EXEMPLVM. LIBERALITATES

OMNIBVS. ET. VBIQVE. LAVDE. CVMVLATVS.

ALOYSIO. XIII. REGI. CHRISTIANISSIMO. IN. CATALONIA. BELLIGERANTI

ET. KAROLO. I. REGI. ANGLORVM. E. SVO. REGNO. EXSVLANTI

ALIISQVE. PRINCIPIBV. NOBILISSIMIS

MILITVM. COHORTIBVS. AC. PECVNIA. OPEM. TVLIT.

MVSICIS. ERVDITVS. LITTERISQVE. HVMANIS. EXCVLTVS. VNDIQVE. COMMENDATVS

D. N. MARIAE. IMMACVLATAE. STDIOSISSIMVS. CVLTOR

LVSITANAE. DITIONIS. PATRONAM

LISBONENSIBVS. IN. COMITIIS. ADLEGIT.

NONNVLLIS. REGNI. PERICVLIS. SVPERATIS

ET. DIE. SACROSANCTI. CORPORIS. D. N. IESV

VITA. EIVS. DIVINITVS. SERVATA.

OPTIME. DE. TOTA. POSTREMO. NATIONE. BENEMERENS

GRAVI. MORBO. ET. BREVI. LABORANS

ANNVM. AGENS. LII. EXPLETVM

OBIIT. M. DC. LVI.

XXIII.

ALPHONSVS. VI. IOANNIS. IV. FILIVS.

MORVM. SVAVITATE. PRVDENTIAE. FAMA

ALIISQVE. PRAESTANTIBVS. VIRTVTIBVS

AB. IVVENTVTE. KARVS. OMNIBVS.

QVI

VNANIMI. LVSITANORVM. ADCLAMATIONE

THEODOSIO. EIVS. FRATRE. PRIMIGENO. DEMORTVO

PRINCEPS. ET. HERES. DIGNITATIS. AVGVSTAE. DESTINATVS. EST.

ANNOS. AGENS. GVBERNANDI. IMMATVROS

SVB. REGIMINE. MATRIS. ALOYSIAE. REGNI. CVRATRICIS. ADCSCITAE

BELLICIS. INSIGNIBVSQVE. VICTORIIS. REM. PVBLICAM. AVSPICAVIT.

HISPANIS. DEVICTIS. MVLTIS. IN. PRAELIIS

IOANNEM. AVSTRIACVM

MAGNVM. SVI. TEMPORIS. COPIARVM. DVCTOREM

PHILIPPI. IV. CATHOLICI. NATVM

TRANSTAGI. PROVINCIAM. AGGREDIENTEM

REPENTINE. IN. FVGAM. AC. STRENVE. CONIECIT.

OB. ALIA. PRAECLARA. GESTA. IMMORTALI. LAVDE. DITATVS

LIBER. DITIONIS. SVAE. ADMINISTRATOR. SOLEMNITER. DICTVS. EST.

ÆVO. TAMEN. CALAMITOSO

OB. PERFIDIAM. AC. PLVS. FORTASSE. MALIGNITATEM

NONNVLLORVM. PATRICIA. NOBILITATE. CIVIVM

TVRPITER. EIVS. INDVLGENTIA. ATQVE. BENIGNITATE. ABVTENTIVM

ADEO. GRAVES. IMPENDERE. ÆRVMNAE. VISÆ. SVNT

VT. PATRIAE. PATRIBVS. CONSENTIENTIBVS

REIPVBLICAE. BONVM. FVERIT. CREDITVM

PETRVM. FRATREM. IN. LOCVM. EIVS

REGEM. RENVNCIARI.

VITAM. VIXIT. VSQVE. AD. ANNVM. QVADRAGESIMVM

ET. APOPLETICO. IMPLICITVS. MORBO. . . .

NON. SINE. MAGNA. TRISTITIA. CONFECTVS

HVMANARVM. VICISSITVDINVM. CAVSSA

VICTORIOSI. PRINCIPIIS. TITVLO. EXORNATVS

PLACIDO. EXITV. DECESSIT

MDC LXXXIII.



❧ XXIV. ❧

PETRVS. II. IOANNIS. IV. FILIVS.

INSIGNI. PRVDENTIA. ET. IN. OMNES. IYSTITIA

FIDEQVE. ERGA. DEVM. SPECTABILIS.

ALACRI. INGENIO. SINGVLARIQVE. MEMORIA. PRAEDITVS.

COENOBIORVM. SOSSES

SACRAEQVE. DISCIPLINAE. RESTITVTOR. PRAESTANTISSIMVS.

QVI. ALPHONSO. VI. VIVENTE

GRADV. REGALIS. HONORIS. ADMOTO.

MVLTA. CVM. LAVDE. SVI. AC. PATRIAE

VICARIA. POTESTATE. REMPVBLICAM. ADMINISTRAVIT.

EIVS. FRATRE. MORTE. INTERCEPTO

OMNIVM. CONSENSV. ATQVE. LAETITIA. REX. INITIATVS. EST.

DIFFICILLIMIS. TEMPORIBVS. EVROPA. VNIVERSA. BELLIS. DIRIS

INTIME. AFFLICTATA

CASTELLAE. PACIS. AVSPICIO. SVORVM. CONCORDIAM. FIRMAVIT.

KAROLVM. II. REGEM. CATHOLICVM. IN. MAVROS. BELLIGERANTEM. AVXILIAVIT.

HISPANIA. CIVILIBVS. VEXATA. DISSIDIIS

OB. NOVENSILEM. REGIS. ADLECTIONEM

FAEDERE. CVM. GERMANIS. ANGLIS. BATAVISQVE. INITO

CONTRA. PHILIPPVM. ANDEGAVENSEM

PARTES. CAROLI. III. LEOPOLDI. I. IMPERAT. AVGVST. TVEBATVR.

QVEM. SOLEMNIBVS. AMICITIAE. SIGNIS. HOSPITEM. HABENS

REGIAE. DIGNITATIS. CVLMINI. TRIVMPHALITER. RESTITVIT.

INNOCENTIO. XI. ODESCHALCHIO. P. MAX.

RELIGIONIS. CAVSSA. IN. TVRCAS. BELLVM. INDICTO

ARMIS. ET. PECVNIA. SPLENDIDE. OPEM. TRIBVIT.

OFFICIOSA. BENEVOLENTIA. PRINCIPVM. INSIGNIVM

VIRORVMQVE. SAPIENTIVM. REVERENTIA. FRVENS

BAHIENSEM. ECCLESIAM. IN. BRASILIA. IVRE. METROPOLITANO

ILLASQVE. PERNAMBVCI. FLVVII-IANVARII. ATQ. MARAGNONII

APVDQVE. SINAS. PEKIMI. ET. NANKIMI


EPISCOPALI. TITVLO. EXORNAVIT.

PIENTISSIME. DONA. HIERVSALEM. FECIT. MAGNA.

INSANABILI. ET. DOLOROSO. MORBO. ITERVM. CONFECTVS

QVVM. AGERET. ANNVM. LVIII. OBIIT

M DCC VI.



❧ XXV. ❧

IOANNIS. V. PETRI. II. FILIVS.

ANIMI. MAGNITVDINE. INTELLIGENTIA. ERVDITIONE.
 IMMOBILI. FIDE. IN. REBVS. TRACTANDIS
 LAVDIS. ÆTERNÆ. MONVMENTO. PERDIGNVS.
 PROPTER. EXIMIAS. LIBERALITATES. ET. ABVNDANTISSIMAS. LARGITIONES
 PRINCEPS. IN. EXEMPLVM. BENEFICVS.
 NOVARVM. VTILIVMQVE. LEGVM. CONDITOR. EGREGIVS.
 MILITARIS. GLORIAE. SOLLICITVS. CLARAS. VICTORIAS. FECIT.
 INTER. QVAS. ILLAM. CAESARAVGVSTAE. SPLENDIDISSIMAM.
 ORATORIBVS. MISSIS. CVM. LIBERIS. PLENISQVE. MANDATIS
 ALIOS. POST. VARIOS. BELL. CASVS. PAX. FVIT. FIRMATA
 INTER. GENTEM. LVSITANAM. ET. HISPANICAM.
 DOMINAE. N. LABIS. NESCIAE. CVLTOR EXIMIVS
 EIVS. DEVOTIONEM. INSIGNI. CVLTV. APVD. SVBDITOS. PROPAGAVIT.
 PROLEM. REGIAE. DIGNITATIS. HEREDEM. APPETENS
 ILLAMQVE. DIVINITVS. RECIPIENS
 MAPHRENSE. MAXIMVM. ÆDIFICIVM. VOTVM. SOLVENS
 DE. MAGNIS. IMPENSIS. EREXIT.
 DEDITQVE. SODALIBVS. FRANCISCALIBVS. EX. FAMILIA. REFORMATORMVM
 ET. QVOD. IN. POSTERVVM. CLEMENTE. XIV. GANGANELLIO. P. M. CONSENTIENTE
 ET. IOSEPHO. I. LVSITANIAE. REGE. ADPETENTE
 COLLEGIO. CANONICORVM. AVGVSTINIANORVM. FVIT. ADTRIBVTVM.
 ARCV. DVCTVM. AQVAE. LIBERAE
 CIVIVM. VTILITATI. A. FVNDAMENTIS. NOVVM. FACIENS.
 COLLEGIVM. HISTORIAE. PORTVGALLENSIS. INSTITVENS.
 BONARVM. ARTIVM. POLITIORIS. HVMANITATIS. ET. SCIENTIARVM
 TVTOR. ATQHE. MVNIFICVS. AMPLIFICATOR. SALVTATVS. EST.
 CLEMENTI. XI. ALBANIO. PONT. MAX.
 MVSVLMANIS. ITALIAE. RVINAM. MINITANTIBVS
 ELECTAE. MILITIAE. MISIT. AVXILIVM.
 EX. QVO. PARENS. PVBLICVS. CATHOLICI. NOMINIS. GRATI. ANIMI. ERGO
 SVMMIS. PRIVILEGIIS. LVSITANIAM. ECCLESIAM. EXORNAVIT.
 ET. A. CLEMENTE. XII. CORSINIO. PONTIFICE. MAXIMO
 ANTISTITEM. VLYSSIPONSEM. PATRIARCHAM. ADLECTVM
 IN. PVRPVATORVM. PATRYM. SEDES. RECIPI. OBTINUIT.
 OB. EIVS. PIETATEM. AC. RELIGIONEM. ECCLESIAE
 PARAHENSIS. MARIANNEA. ET. ILLA. DIVI. PAVLLI. IN. BRASILIA
 AD. HONOREM. EPISCOPALEM. ELATAE. SVNT.
 OBIIT. ANNORVM. LXI. P. M. MDCC L.
 A. BENEDICTO. XIII. LAMBERTINIO. PONT. MAX.
 PERAMPLO. AC. MERITISSIMO. TITVLO
 MAIESTATIS. FIDELISSIMAE. INSIGNITVS

❧ XXVI. ❧

IOSEPHVS. IOANNIS. V. FILIVS.

PIETATIS. ET. IVSTITIAE. TESTIMONIIS. INLVSTRI BVSV
 BONORVM. OMNIVM. REVERENTIAM. ET. AMOREM. ADEPTVS. EST.
 DIFFICILLIMA. ÆTATE. REGIIS. MVNIIS. FVNGL. INCHOATVS
 SVB DITORVM. DECVS. INTREPIDE. SVSTINENDÓ
 PRVDENTERQVE. AC. DOCTE. PROPVG NANDO
 MAGNAM. SIBI. FORTISSIMI. PRINCIPI S. FAMAM. COMPARAVIT.
 SCIENTIARVM. BONARVM. ARTIVM. HVMANARVM. LITTERARVM
 STVDIA. ET. INCREMENTA. SPLENDIDO. PATROCINIO
 OMNIQVE. BENIGNITATE. FAVERE. HABVIT. IN. DELICII S.
 COMMERCIVM. NAVIGATIONEM. ET. AGRICVLTVRAM
 VETEREMQVE. KLERI. VTRIVSQVE. DISCIPLINAM
 MAGNIS. CVM. LABORIBVS. MELIORI. STATVI. REVOCAVIT.
 IVDICVM. CONTRA. HAERESIM. CLEMENTIAE. INDVLSIT.
 LEGES. MVLTA S. AC. PERVTILES. REIPVBLICAE. FECIT.
 VLYSSIPONEM. TERRAE. MOTV. CONCVSSAM. PROLAPSAMQVE
 VASTISQVE. RVINIS. INCENDII. DEPOPVLATAM
 PVLCHERRIMA. FORMA. DE. IMPENSIS. ÆRARI. ET. SVIS
 IMMORTALI. FAMA. RECONDIDIT.
 DOMOS. IVVENTVTI. IN. PATRIAE. SPEM. INSTITVENDAE
 ET. PRAESERTIM. ORPHANIS. PVELLIS. AD. MORES. INFORMANDIS
 AVSPICIO. SVO. ET. SVMMA. BENEFICENTIA. ADAPERVIT.
 ÆDES. HOSPITALES. PAVPERIBVS. ALENDIS. EXTRVXIT.
 INCOMPARABILI. VTENS. INTELLIGENTIA
 MARCHIONEM. POMBALIVM. VIRVM. CLARISSIMVM
 NEGOTIORVM. AC. MVNERVM. PVBLICORVM
 MODERATOREM. MAGNVM. ADLECTVS. EST.
 AMERICA E. IN. FLVMINE-IANVARIO. VRBE. CONSPICVA
 CVRIAM. LITIBVS. IVDICANDIS. ÆDIFICATAM. VOLVIT.
 MVLTI S. QVE. OPPIDIS. DITIONIS. SVAE. TITVLVM. CIVITATIVM
 ET. VARIIS. ECCLESII S. HONOREM. EPISCOPALEM. DEDIT.
 ALOYSIO. XV. GALLIARVM. ET. KAROLO. III. CATHOLICO REGIBVS
 POST. BELLVM. AD. ANNVM. RECONCILIATVS
 GRAVI. ET. DIVTINA. INFIRMITATE. CORREPTVS
 QVVM. VIXISSET. LXIII. ANNOS
 M. DCC. LXX. VII.
 VITA DEFVNCTVS. EST.
 STATVA. EQVESTRI. TRIVMPHALI. ORNATV. DONATVS.
 LVSITANAE. GENTIS
 GRATI. ANIMI. ERGO

❧ XXVII. ❧

MARIA. I. IOSEPHI. I. FILIA.

ET. PETRI. III. REGIS. VXSOR.

MVLIER. PROPOSITI. TENACIS.

OMNIGENIS. VIRTVTIBVS. EXORNATA. FAMA. IVSTITIAE. AVCTIS

SVBDITORVM. DELICIVM. AC. MATER

CELEBERRIMVM. REGINARVM. TRIBVIT. EXEMPLVM.

QVAE. SIBI. COMPLACENS. EXERCERE. CLEMENTIAM

CIVES. MVLTOS. CRIMINIS. LABE. NOTATOS

AD. VINCVLA. ET. EXSILIVM. PLORANTES

IN. PATRIAE. SINVM. REVOCAVIT.

PACIS. PERCVPIDA. CVM. KAROLO. III. REGE. CATHOLICO

FAEDVS. AMICITIAE. PERPETVVM. COMPOSVIT.

CIVIS. LIBERALITATE. INGENIA. CIVIVM. VIGEBANT.

SCIENTIAE. LITTERAE. BONAEQVE. ARTES. FLORERE. VISAE. SVNT.

AVLAS. EARVM. CVLTORVM. COMMODITATI. INSTITVIT.

PVBlicAEQVE. VTILITATI. BIBLIOTHECAM. APERVIT.

ET. VIRIS. HVMANI. IVRIS. EGREGIE. SCIENTIBVS. ADLECTIS

VETVSTAS. DECESSORVM. LEGES

VNV. IN. CODICEM. COLLIGERE. CVRAVIT.

FIDEM. IN. DEVM. QVOTIDIE. PROPVGANS

IVDICVM. CONTRA. HAERESES. VOLVNTATI. EST. SVFFRAGATA.

SEDIS. APOSTOLICAE. CVLRIX. ASSIDVA

MAGIS. MAGISQVE. SOLLICITE. STDVIT

VT. RES. RELIGIONIS INTEGRE. SERVARENTVR. EARVMQVE. HONOS. AVGERETVR.

ET. ORDINES. RELIGIOSORVM. SEXVS. VTRIVSQVE

TAM. BENE. DE. LVSITANIA. MERENTES

IN. SE. PATRONAM. HABERENT.

QVAM. OB. CAVSAM. AVGVSTVM. TEMPLVM. AEDIFICATVM

SACROSANCTO. CORDI. IESV. DOMINI. DEIQVE. NOSTRI

VOTI. CAVSSA. CONSECRATVM. DEDICATVMQVE. EXOPTAVIT.

ET. MONASTERIVM. ADSTRVCTVM. APERTVMQVE

DEVOTIS. VIRGINIBVS. KARMELO. EXCALCEATIS. DONVM. DEDIT.

GRAVI. INDE. LABORANS. INFIRMITATE

PVBlicIS. CVRATIONIBVS. ABDICATIS

REGIAM. DIGNITATEM. IN. FILIVM. IOANNEM. DEPOSVIT.

PIE. DECESSIT. ANNOS. NATA. LXXXII.

CIO. IDCCC. XVI.

MVLTI. CVM. LACRIMIS

LVCTVQVE. DIVRNO. PROSEQVITA

ET. PH. VII. CLARAMONTII. PONT. OPT. MAXIMI

IMMORTALIBVS. DIGNA. LAVDVM


PRAECONIIS. EFFECTA



❧ XXVIII. ❧

IOANNES. VI. MARIAE. I. ET. PETRI. III. FILIVS.

IOSEPHO. EIVS. FRATRE. AVGVSTAE. DIGNITATIS. HEREDE
IMMATVRE. VITA. DEFVNCTO
ET. GRAVI. INFIRMITATE. GENITRICE. AFFECTA
REGIVS. PRINCEPS. OMNIVM. VOTIS. ET. GRATVLATIONE. DESIGNATVS. EST.
TEMPORVM. MAGNA. ACERBITATE. TRANSACTA
CIVIVMQVE. PERINLVSTRIVM. AVXILIIS
GRAVISSIMIS. BELLIS. PER. EVROPAM. GESTIS
DIVINITVS. PLACATIS.
E. BRASILIA. QVAM. LIBENS. PROFVGVS. E. PATRIA. PETIERAT
ET. VBI. SOLEMNI. PLAVSV. COMMVNIQUE. CONSENSV
MATRE. DEMORTVA
REX. ERAT. RENVNCIATVS
VLYSSIPONEM. REGALI. FAMILIA. CONSOCIATVS
INTER. PVBLICAS. REDIT. LAETITIAS.
PRVDENTIA. RELIGIONE. ATQVE. CLEMENTIA. CLARISSIMVS
IMPERIVM. ET. REGNVM. TENVIT. EGREGIE.
AVORVM. AMPLISSIMIS. SEQVVTVS. GLORIOSE. VESTIGIIS
SCIENTIIS. BONIS. ARTIBVS. LITTERISQVE. SACRIS. ET. PROFANIS
HONORES. ET. LAVDES. ET. PRAEMIA. MERITO. RETRIBVENS
AVLAS. MAXIMAS. EARVM. CVLTVRVM. COMMODITATI
PATRIÆQVE. ORNAMENTO
ET. DOMO, EGENAE. IVVENTVTI
AD. PIETATEM. ET. RELIGIONEM. INFORMANDAE
ADMIRABILI. CHARITATE. PARIQVE. INDVLGENTIA. ADAPERVIT.
TVRRIS. ET. ENSIS. EQVESTRIS. ORDINIS. FVIT. INSTITVTOR.
ILLIVSQVE. MARIAE. SANCTAE. AB. ORIGINE. IMMACVLATAE. NVNCVPATI.
ÆQVO. AC. FORTI. ANIMO. IN. ADVERSIS.
QVEM
GRAVIS. ET. SVBITI. VIS. MORBI
PRAERIPVIT.
ANNVM. AGENS. LI. CIRCITER
M DCCC XX VI.
REGALI. LVSITANIAE. DIGNITATE
RELICTA. ELISABETHAE. MARIAE. FILIAE
QVAE. VICARIO. MVNERE
OPTIME. FVNGENS
IMMORTALEM. SVI. NOMINIS. FAMAM
ADEPTA. EST




XXIX.

PETRVS. IV. IOANNIS. VI. FILIVS.

QVI

EXACTA. INTER. PIETATIS. OFFICIA. ADOLESCENTIA
 INGENII. ALACRITATEM. OSTENDENS
 STVDIO. LINGVARVM. ET. BONARVM. ARTIVM. ET. LITTERARVM
 NAVITER. OPERAM. VACAVIT.
 MVSICIS. ERVDITVS. OMNEM. LAVDEM. SVPERGRESSVS. EST.
 ÆRVMNOSA. ÆTATE. PRAETERITA
 ET. PARENTE. LVSITANIAM. REDVCE
 CONCORDIAE. PACIQVE. RESTITVTAM
 BRASILIAE. PRIMVM. VICE. SACRA. ADMINISTRATOR.
 ORDINE. POPVLO. QVE. VNIVERSO. PLAVENTIBVS
 REGIOQVE. DECRETO. ET. VOLVNTATE. ABSOLVTE. IMPERATOR. DATVS.
 CONDITOR. INVICTVS. PERPETVVSQVE. LIBERTATIS. VINDE
 SALVTATVS. FVIT.
 IOANNE. SEXTO. FVNCTO. DIEM. SVVM.
 EX. EIVS. TESTAMENTO. LVSITANI. QVOQVE. REGNI
 HERES. RENVNCIABATVR.
 CLEMENTIA. NEC. NON. LEGIBVS. NOVIS
 REMPVBLICAM. MODERARE. INCIPIENS
 LVSITANIAE. CORONAM. IN. FILIAM. MARIAM. II. SPONTE. ABDICAVIT.
 AT. CALAMITATIBVS. INTER. CIVES. MAGNISQVE. DISSIDIIS
 A. FRATRE. MICHAELE. REGIAM. CERTANTE. POTESTATEM. SVSCITATIS
 DIFFICILLIMORVM. TEMPORVM. IMMITI. VOLVNTATI. OBSEQVTVS.
 BRASILIENSIS. IMPERII. PVBLICIS. CVRATIONIBVS
 PETRO. II. MINORI. FILIO. ETIAM. RELICTIS.
 TITVLO. DVCIS. BRIGANTIAE. SIBI. SOLVM. RETENTO.
 SINGVLARI. ANIMI. MAGNITVDINE
 TVTANDI. ATQVE. FIRMANDI. CAVSSA
 DOMINIVM. IVVENIS. REGINAE. FIL.
 PORTVGALLIAM. REVERSVS. EST.
 MVLTIS. POSTREMO. LABORIBVS
 INGENTI. PRVDENTIA
 MIRAQVE. CONSTANTIA
 PERFVNCTVS.
 IMMATVRE. PERIIT
 ANNIS. ÆTAT. SVAE. XXXVI. NONDVM. EXACTIS
 DOMINICAE. NATIVITATIS.
 CIJ. IJCCC. XXX. III.



XXX.

MARIA. II. PETRI. IV. FILIA.

FERDINANDI. II. REGIS. VXSOR.

MATERFAMILIAS. DILIGENTISSIMA.

RELIGIONE. ET. IN. EGENOS. MISERICORDIA

MORIBVS. PARITER. ET. COPIA. VIRTVTVM. IN. EXEMPLVM. HABITA.

QVAE. DIFFICILLIMIS. TEMPORIBVS

OB. PATRIS. MAGNANIMITATEM. ET. ARMORVM. POTENTIAM

FIDEM. CIVIVMQVE. AVXILIA

AD. TRONVM. PORTVGALLIAE. ET. ALGARBIORVM. FIRMATA.

MAGNA. CLEMENTIAE. BENIGNITATIS. ATQVE. PRVDENTIAE

VSQVE. ADHVC. TRIBVENS. TESTIMONIA.

BONORVM. OMNIVM. REVERENTIAM. ET. STVDIVM

SPECIATIMQVE

D. N. PH. VIII. MASTAH. FERRETTII. P. O. M.

QVOTIDIE. MAGIS. MAGISQVE. PROMERETVR.

IN. REBVS. ADVERSIS. INVICTISSIMA.

ARTIVM. HVMANARVM. LITTERARVM

SCIENTIARVMQVE. SOSPITATRIX.

NAVIGATIONIS. COMMERCHQVE

ETHIOPIAE. ARABIAE. PERSIAE. ET. INDIAE. CVSTOS.

ET. DVM. EVROPA. QVASI. TOTA. INTIMIS. CONTENTIONIBVS

BELLORVMQVE. IMMANITATE. DILACERATVR.

IPSA. SIBI. SIMILIS. IN. SOLIO. REGNI. SVI

PATRIAE. SECVRITATEM. TVETVR. AC. VINDICAT

HAVE. MATRONA. AVGVSTA

BRAGANTINAE. DOMVS. INCLYTA. GLORIA.

DIVINO. FAVENTE. AVXILIO

MVLTI. ANNIS. ET. FELICIBVS. IMPERA

QVOD. LVSITANO. POPVLO. BENEVERTAT.

DIV. RELIGIO. N. AB. TVIS. PERINLVSTRIBVS. DECESSORIBVS

TAM. MVNIFICE. AC. SPLENDEDE. EXALTATA

ANIMO. TE. DECERNAT. INTREPIDO

NOMEN. PROPVGNARE. CATHOLICVM

INDEX INSCRIPTIONVM

REGVM LVSITANORVM.

Inscriptio dedicatoria Ferdinando II.....	pag. 9
Inscriptio historico-honoraria Henrici Comitis.....	» 11
Alphonsi Henrici I.....	» 13
Santii I.....	» 15
Alphonsi II.....	» 17
Santii II.....	» 19
Alphonsi III.....	» 21
Dionysii.....	» 23
Alphonsi IV.....	» 25
Petri I.....	» 27
Ferdinandi I.....	» 29
Joannis I.....	» 31
Eduardi.....	» 33
Alphonsi V.....	» 35
Joannis II.....	» 37
Emmanuelis.....	» 39
Joannis III.....	» 41
Sebastiani.....	» 43
Henrici Cardinalis.....	» 45
Philippi I.....	» 47
Philippi II.....	» 49
Philippi III.....	» 51
Joannis IV.....	» 53
Alphonsi VI.....	» 55
Petri II.....	» 57
Joannis V.....	» 59
Iosephi.....	» 61
Mariae I.....	» 63
Joannis VI.....	» 65
Petri IV.....	» 67
Mariae II.....	» 69







LIBRARY OF CONGRESS



0 020 585 536 1

